

ANA ITERANIBA AONON TE BETEBEKE

TE RONGORONGO MAIROUIA TAAN KAIRIIRI N TE AONO

E ngae ngke man Bwanaau ke bwanaia au tia mwakuri, bon titebo!

Iroun Unimwaane Paul Lekias

Te Itingaun n te Aono



Unimwaane
Paul Lekias

Ni moantaai n aron ae I kona n uring-nga, I a tia n tainako ni 'kekeiaki' ni maiu man te kawai aio: Te Ongotaeka ikotia ma te Mwakuri Korakora = Te Kukurei. I a tia n ira te 'kawai ni maiu' aei n au mwakuri, n au kamatebwai ao n au beku ni mitinare ae bwanin taina i Christchurch NZ (1987–89). E a tia n onoti kakawakina nakon Titita Lekias ao Ngai ngkai ti a tia ni kaikawaiia ara ataei aika aman n te euangkerio.

E roko te Tia Kamaiu n tokin te tai ni kakoroa nanon Ana kantaninga te Tama. E roko bwa "E na ukoukoriia akana bua ba E na kamaiuia¹. Imwiin mangautin te Tia Kamaiu, E kaoti nakoia kaain Amerika ao ni kaoia naake a roko bwa a na "anga bwa aia karea te nano ae uruaki ao te tamnei ae raraoma"². Burabeti ao Abotoro a buokiira n anga te aeka ni karea anne ngkana a anga reirei, kakoaua ao ni kaoia ni kabane bwa ana nakon Kristo. Ngkana ti ongotaeaka nakon aia reirei ao ni kawakin ana tua te Uea ti na kakabwaiaki n te aba, n aron are e a tia ni kamataata Riaai ao tabeman n Ana Boki Moomon.

Inanon te mwioko n tararua ni kororaoin bongina, e a tia te Tama are i Karawa n ira te kawai ae reitnako ni karokoa te bong aei. N ana Boki³. Ai kakatongara ngaira n ira te kawai aei, ngke Burabeti ao Abotoro a weteaki bwa ana kairiira ao ni kaetiira ni Boong Aika Kaitira.

Aia rongorongoa aei e bon aki boou. Ngkana ti rinanoi ana mwakuri te Uea

aika a tia ni baireaki, ti na kunea te katooto teuana imwiin teuana n aron ana mwakuri te Uea aika "raba" nakoia Ana toro. E mwiokoaki Enoka ma te mwaaka bwa e "na nakoia ana aomata, ao n taekinna nakoia Raira nanomi"⁴, E anganaki Etekiera bwa e na riki bwa te "tia tantanii n te bata are i Iteraera, ao n anganiia te kauring mai Irou"⁵. E taetae ni burabetiia Tamuera ae te Reimwanaite, "bwaai aika a na roko irouia⁶ ao n tuangiia Nibwaite ae "akea ae kona ni kamaiuia te botanaomata aio, ma ti te rairannano ao te onimaki iroun te Uea Iesu Kristo"⁷. E tuangaki Iotebwa Timiti bwa "akea ae na tataekinna riki ma tii te rairannano"⁸.



Ti ataia bwa te Atua "bon ti tebo ngaia ngkoananoa, n te bong aio, ao n aki toki"⁹ ao ni kona ni kamaiuaki n ataia bwa Burabeti ao Abotoro n ara bong a tuangaki bwa a na tataekinna te rairannano nakon te aonaaba ni kabane. Ngkana ti ongo n aia reirei ao aia kaetieti, inanon te tai ti taneiai n te bitaki n nano ae korakora ma mwiina ae kantaningaaki bwa "a na akea te nano ni kan karaoa ae buakaka, ma n teimatoa ni karaoa ae raoiroi"¹⁰.

Te kakao nakon te bitaki e kana-koaki n te moan ao te kauoua n tua aika korakora¹¹ n te iango ao te kantaninga ni kakoroa nanon ana mwakuri Tamara are i Karawa ae korakora. Ana tangira Beretitenti Thomas S. Monson ibukira n tatabemaniira nako e kakoauaki ni bwaai ni kabane aika e karaoi. Ti tii kainnanaoaki bwa ti na tanrikaaki nakon te kabanea ni Maungatabu ni Kabuta ni kauringiira bwa e na kanga ngaia ao te Uea ni kakabwaii maiura, ngkana ti na ongotaeaka.

- **Itangitangiri:** "ti na taraa maiura ao ni kekeiaki n ira ana banna ni katooto te Tia Kamaiu ni bwainan te mwa-mwannano, te akoi, ao te tangira."
- **Wareka Ana Boki Moomon ni Katoabong:** "Raoraou aika tangiraki n ana mwakuri te Uea, I kaumakiira ngaira n tatabemaniira nako bwa ti na kamatebwaia ao n iangoa raoi Ana Boki Moomon ma te tataro mwaaka ni katoabong".

Ngkana ti boutokaa ao n ira ara Burabeti ae maiu, Beretitenti Monson, ti kona naba n riki n aron Aramwa are ngkoa are e kakoauai ana taeka Abinataai, are te burabeti ae tabu ao “ni kaineti ma ana onimaki bon iai te bitaki ae korakora ae riki i nanona”¹².

A kona ara taan kairiiri n riki kanga te ‘Riaona’ ae kuneaki iroun Riaai ao ana utu. Ana kainikoto te Riaona (n aron te kambwati) “a mwakuri n aron waakin te onimaki ma te nanomatoa ni (mwakuri) ao te ongeaba nakon bwaai ake a tuangira”¹³. Ngkai ti kekeiaki ni karaoa te mwakuri n ira ao n ira te kaetieti ao te reirei ake ti

anganaki mai irouia ara taan kairiiri, ti (n aroia ana utu Riaai) are a kairaki nakon ‘Abara ni Berita’ riki te Aba n Uea ae Tiretio.

N aromi n tatabemani ngkami, I tangira ao I boutokaa ara Burabeti, Tia Mamata ao te Tia Kaotioti. I ataia bwa ngkana ti karaoa te boutoka man booki aika tabu “E ngae ngke man bwanaau ke bwanaia au tia mwakuri (n raonaki ma ara Beretitenti n te Aono ao taan kairiiri n te aono) bon titebo”¹⁴ nakon maiura ana kakabwaia te Uea ake a tia ni beritanaki a na riki bwa ara bwai. Ti na karekea te kimwareirei

ae korakora riki inanon mweengara, n rorokora n te taromaui, n te mwakuri, n ara kamatebwai ao ni mwanangara n te maiu aei, I kakoauai aikai, n aran Iesu Kristo, Amen. ■

KIIBU AIKA A NA TARAANKI

1. Ruka 19:10.
2. 3 Nibwaai 9:20.
3. Amota 3:7.
4. Mote 7:10.
5. Etekiera 3:17.
6. Ereman 12:3.
7. Ereman 13:6.
8. Doctrine ao Covenants 19:21.
9. 1 Nibwaai 10:18.
10. Motiaea 5:2.
11. Mataio 22:36–39.
12. Aramwa 5:11–12.
13. 1 Nibwaai 16:28.
14. Doctrine & Covenants 1:38.

ITERANIBA N TE AONO

Rokon Unimwaane ao Titita Haleck i Kiribati

Man Ana Ruu ni Kareke Rongorongongo te Moomon

Unimwaane O. Vincent Haleck, te beretitenti n Aonon te Betebeke n Ana Ekaretia Iesu Kristo ibukiiia Aika Itiaki ni Boong Aika Kaitira, n raonaki iroun kainabana, Titita Peggy Haleck, a kaitibo ma taan kairiiri n te Ekaretia, ao

kaain te aro ma mitinare ngke a kawara Kiribati ni moan te ririki aei.

Unimwaane ao Titita Haleck a kaitibo naba ma te beretitenti Ae Karineaki n te Ribwauriki ni Kiribati Taneti Maamau ma taan kairiiri tabeman

n te tautaeka, aaro ao te komiuniti.

N te katairiki ae onoti ni Katekeraoan te Ririki ae Boou ae kara-oaki iroun Te Beretitenti Ae Karineaki ao n iraki irouia kaain te Kabineti ni Kiribati, taan kairiiri n te kaomiuniti ao taan tei mai tinaniku, Unimwaane Haleck e angan te tia kairiiri n te aba te bwai ae katotongan tamnein Kristo bwa kaotan te iraorao ao te kakaitau.

E kaniia 100 mitinare Ibukiiia Aika Itiaki ni Boong Aika Kaitira aika a ira naba te katairiki anne.

“Ti rangin ni kakaitau ibukin ana kairiiri Beretitenti Maamau i Kiribati,” e taku Unimwaane Haleck. “Ngaira bon mwakoron naba te reeti n te Betebeke ao ti tangiria n reitanako ni karaoi bwai aika ti konai ni boutokaia aomata ao te tautaeka ni buokiiia n tatabemania, ni kakorakorai mare ao utu, ao ni buokiiia komiunitii bwa a na riki n toronibwai ao n nakoraoi.”



**E kaniia 100
mwaitiia aika
Itiaki ake a ira
naba te katairiki.**



Unimwaane ao Titita Haleck ni moan rokoia i Kiribati n te ririki aei.

“Te bwai ae kakawaki n ara mwakuri n ibuobuoki i Kiribati, ao n aaba tabeua,” e taku Unimwaane Haleck, “bon ara onimaki iron Tamara are i Karawa, ara Tia Kamaiu Iesu Kristo, ao n Ana Mwakuri ni Kamaiu.”

“Ti kakatonga ni mwakuri ma Te Beretitenti Ae Karineaki ao tabeman i Kiribati ni buokiia aomata aika a kona ni buokiia rinanon te kamwengaraoi, te riki n toronibwai, te reirei ao ni karaoan mwakuri aika aanaki n te onimaki.”

E reitia Unimwaane Haleck, “Ngkana ti taetae imarenara, atai arora imarenara, ao ni uaia ni mwakuri, ti kona ni buokiia riki natin te Atua ni kawai aika uaana ao n teimatoa.”

Teuana te tabo ae a karoko naba iai Unimwaane ao Titita Haleck n aia tai i Kiribati bon kawarakiia Aika Itiaki ni Boong Aika Kaitira i Tearinibai, Tarawa I Eta. ■

Te Beretitenti ni Kiribati e Katekeraoia Aika A Tia n Reke aia Beeba

Man Ana Ruu ni Kareke rongorongo te Moomon

Te Beretitenti ni Kiribati, ae Karineaki Taneti Maamau, e anga tietebiketi nakoia waniman ataein te TVET aika a tia n reke aia beeba ni moan te ririki aei n tain te anga beeba n te Moroni High School i Tarawa.

Te Beretitenti Maamau e katekeraoia ataein te reirei ibukin kabanean kooti n te katikiraoi ao te karaobwai, ao te kuuka ao te karao keeke. Uoman ataein te reirei aika a reke aia beeba a aki roko nakon te angabeeba.

Moroni High School, are e bwainaki ao e kabutaki iron Ana Ekaretia Iesu Kristo ibukiiia Aika Itiaki ni Boong Aika Kaitira, e katuka ana kamataata ae korakora iaon buokaia ataei n tatabemaniaa ake iai nanoia n te TVET (technical and vocational education and training). E a tia te reirei n anga kooti n te TVET man 2012.

Te beretitenti n aban te Betebeke e kaumakiia aika a tia n reke aia beeba bwa ana kabonganai rabakauia ni kakaai mwakuri aika tamaroa, riki ni bon oin aia bitineti.

Taala Tiaeki, Riteta Fatima Rimon, Mantoti Tentara Tune, Ueaua Takakia ao lolas UH Kairo a tia ni karaoa te Tietebiketi II n te Fashion and Design. (Te Itutu ao Karaobwai)

Charlotte Barry, Maryann Teibuako, Kekerosa Tieke, Erenoa Timra ao Eribati Biribo a tia ni karaoa te Tietebiketi II n te Baking and Patisserie (Karao Keeke ao Kabuki)

Ibuakoia ake a roko n te angabeeba bon H.E. Mr. Bruce Cowled, Ana Ai Kamitina Aotiteria; H.E. Mr. Don Higgins, Ana Ai Kamitina New Zealand; ao Kiribati Attorney-General Mrs. Tetiro Semilota. ■



Te beretitenti ni Kiribati, Ae Karineaki Taneti Maamau, e anga tietebiketi nakoia waniman ataein te TVET ake a reke aia beeba ni moan te ririki aei n te angabeeba n te Moroni High School.

Unimwaane ao Titita Nielsen a Kaboo nakon te Betebeke

Man Ana Ruu ni Kareke rongorongō te Moomon



Imwiin teniua te ririki ni mwakuri, Unimwaane S. Gifford Nielsen, man te Itingaun ma kaain abana Wendy Nielsen, a kaboo nakoia kain te Betebeke.

Imwiin teniua aia ririki ni mwakuri, Unimwaane S. Gifford Nielsen, man te Itingaun, n Ana Ekaretia Iesu Kristo Ibukiiā Aika Itiaki ni Boong Aika Kaitira, ao kainabana Wendy Nielsen, a anga aia kabo nakoia kaain te Betebeke n te wiiki aei.

A roko Nielsen ma ana utu i New Zealand n Turai 2014.

E beku Unimwaane Nielsen inanon teniua te ririki n nako bwa kaain te Beretitenti n te Ekaretia n Aonon te Betebeke. E na reitinako ni beku ni kairiiri n ana etukuata te Ekaretia i Salt Lake City, Utah.

N reken te mwioko irouia bwa ana beku n te Betebeke, a rangin n ingainga Nielsen ma ana utu.

“Ngke a roko taeka mai wiin Beretitenti Eyring bwa ti weteaki nakon Aonon te Betebeke, I karekea te namakin ni kakaitau ae moan te korakora,” e taku Unimwaane. “N iangoi kaokoron katei ao aomata aika akoi aika ti na kinaia ao n tangiriia e bon rangin ni kakukurei irou.”

Titita Nielsen e bon rangin n ingainga naba. “I namakinna ae kanga I a tibwa tia ni karekea te kaniwanga! E rangin n toka kukureiu n iangoa te maeka n te tabo ae I aki toki ni miia bwa n na roko iai.”

Teniua te ririki imwiina, a namakinna ana utu Nielsen bwa e a tia n riki tabeia n te Betebeke bwa te bwai ae rangin ni uaana nakon are a kantaningaia.

“N na rangin ni kakaitau n ae akea tokina ibukin kakabwaia n te maan ae teniua te ririki ni maeka n te bwa-retaiti,” e taku Titita Nielsen. “E a tia n rangin n tikiraoui, uotira rake, ao ni kakukurei nakon ae I kaantaningaia. Te bwai ae moan te tamaroa bon nanoia ao tamneia aomata aika a tangira ao ni mwakuri korakora aika ti a tia ni kinaia ao n tangiriia.”

Unimwaane Craig A. Cardon, man te Itingaun ao te kauoman ni kauntira n te Beretitenti n Aonon te Betebeke, e anga ana tangira ma ana kakaitau nakoia ana utu Nielsen n aia tai ni mwakuri inanon teniua te ririki.

“A uaia ni kairiiri ma nanoia. Titita Nielsen e teimatoa n tarai raouiroia tabeman ao ni buokiiā naake a kainnana.

Unimwaane Nielsen e rangin ni korakora nanona irouia tabeman ao n tangiria ni karaoui reitaki aika a teimaan.”

E a tia Titita Nielsen n irira Unimwaane Nielsen n ana mwananga aika mwaiti nako Aonon te Betebeke ao e a tia ni kukurei n taetae nakoia membwa ao raa n te Ekaretia ni kabuta te aono.

“I karekea te bitaki ae akea tokina ibukin ana reirei te tama are i karawa ae I a tia n reiakin mairouia n tatabe-maniiā nako ao I tangiriia ikai,” e taku Titita Nielsen.

Ana ururingaki ana utu Nielsen ibukin moangareia ae teimatoa ao aroia aika a tangiraki.

“Rinanon aia tangira, ti a tia ni kona n namakina ae raouiroi riki ao ni kina ana tangira te Uea,” e taku Unimwaane Cardon.

E taekinna Unimwaane Nielsen bwa e na teimatoa n ururing nanoia kain te Betebeke aika a tabeaianga ao n tatauraoui ni kanakoraoa ana bong temanna.

Ana kantaninga bwa kain te Betebeke a na ururingnga bwa te aomata ae korakora tangiran te Uea irouna.

Ni kaineti ma Unimwaane Nielsen, e a tia te Ekaretia n Aonon te Betebeke n noori rikirake inanon teniua te ririki ngkai a tia membwa ni uaia ni mwakuri ni karikirakea Abanuean te Atua.

“Au kantaninga bwa a na teimatoa membwa ni kabane n tataro bwa e na reke temanna inanon kawaia ni kato-abong are e na kona n anaaki nanona n te kawai ae tamaroa, ao ni kona n tibwaua ana koaua n te Euangkerio ae kaokaki ma ngaia,” e taku Unimwaane Nielsen. ■

A Buoka Katean te Kiriniki i Kiribati ae Boou aomata Aika Itiaki

Man ana Ruu ni Kareke Rongorongo te Moomon

Te Tautaeka ni Kiribati e katauraoi onaoraki aika aki kaboaki nakoia aomata rinanon 100 te onaoraki ni kabutaa te aba.

Taan mwakuri n te tautaeka medical assistants (taan ibuobuoki n te aoraki) a karaoi ikoaki aika aki rangin ni kakaiaiki, kaitiaki ikoaki ao ni kanakoi bwaai n aoraki n aron te aetiburin ao aentibwaiaotiki n te onaoraki. Aoraki ake a kakaiaiki a anganaki te beeba ni

kariaia nakon te onaoraki n te tabo.

Te Kiriniki are i Bonriki, ae karaoaki ngkai, bon teuana mai ibuakon 100 onaoraki iaon Kiribati.

Ngkai e a bane te mwane imwain katiaan te kateitei n te onaoraki, Ibuobuoki ao anganano man te LDS man taian uoote n te tabo anne, a katia te kateitei bwa aonga kaain te tabo anne ni karekei ibuobuok n taian bwainaoraki. ■

E katuka Ana Rongorongo Beretitenti Eyring iaon New Zealand

Iroun Shilo Kino

Tiaki ni katoa bong ae ko na kawaraki iai irouia Abotoro aika uoman.

Ma ibukiiia Aika Itiaki n ana Tabo te Tembora, Hamilton, bon te bootaki ae aki kona ni mwaninga taekana.

Beretitenti Henry B. Eyring, te moan kauntira n te Moan Beretitenti, e mena i New Zealand ni katabua te David O. McKay Titeiki ae boou ao te Cultural Events Tienta ao kateitei ao baetiritiri riki tabeua n ana Tabo te Tembora, i Hamilton.

E raonaki iroun te Abotoro Neil L. Andersen ao Bitiobi Dean M. Davies n te Bitioburiki n Tararua.

“Ana tabo te Tembora bon te bwai ae onoti, ao n tabu,” e taku Beretitenti Eyring.

“Bon te koaua. N tainako ngkana I mena ikai, iai irou te namakin anne. I a tia ni mena ikai ma Beretitenti Hinckley ao Beretitenti Monson mai imwaina. I kona n namakin aia onimaki aomata n te tai anne. A mwaiti aomata aika tamaroa ikai.”

E mwaiti katabean Beretitenti Eyring aika e na karoko iai n ana Tabo te Tembora, e na noora te Wendell B. Mendenhall Raiburari, n raonaki ma te Matthew Cowley Pacific Church History Centre ao te Miutiem.

“Iai bukina ngkai ti taekin rongorongoia ara utu,” e taku.



Ibuobuoki ao waorantiia n te LDS man uoote n te tabo, a katia te kateitei bwa aonga kaain te tabo anne ni karekei buoka n te bwainaoraki.



Beretitenti Eyring e kaitibo ma mitinare ni Mwakuri



Beretitenti Eyring e nako New Zealand, ma taan kairiiri ake tabeman, ni katabua Nen te Tembora ae Boou.

“Tiaki tii tangiria ni karaoa ae raoi-roi ma ara utu, ti tangiria ni karaoa te mwakuri n te tembora bwa ti aonga ni kabaeaki. A na roko aomata nakon te Tienta, riki aomata man te aono aei, ao iai aia atatai n tamnei aika raraoi. I kona n iangoia aomata n te aba n tamnei bwa a kukurei!”

Imwiina e na kawara te Mwaneaba ae Kai ao e na kaitibo naba ma Mitinare aika a Mwakuri ngkoa imwaina ae nakon 50 mwaitiia n te Mwaneaba ae George R. Biesinger.

A mwaiti mwiin aia mwakuri mitinare ake a karaoi aika korakora ni katei ana Kaoreti te Ekaretia,

umwantabu ao te tembora i New Zealand.

Kahu Katene e angan Beretitenti Eyring, Unimwaane Neil L Andersen ao Bitiobi Dean M. Davies ao iruwa tabeman te butimwaai ni Maori ae onoti.

Beretitenti Eyring imwiina e kaitauia mitinare.

“Kamwa tia ni mwakuri n ana mwakuri te Uea,” e taku.

“E kakaitau ngkama. I tei Ibukina ni kaota ana kakaitau te Tia Kamaiu ibukimi ni kabane.”

Te mitinare ngkoa mai mwaina Titita Lillian Kershaw, 81, e mena naba ikekei n te tai anne.

Kain abana ae tia ni mate Tom e beku inanon 8-9 te ririki bwa te tia katoka buriki, ni buoka katean ana Kaoreti te Ekaretia ao te tembora n te 1952. Titita Kershaw e beku bwa te tia koroboki n te maan ae teuana ao te iterana te ririki.

“N rokona irarikina n anga ana kaitau nakoira, e bon rangi ni kaunganao,” e taku.

“Ao n iangoana bwa e bubuti bwa e na reke ana tai ma ngaira. E aki nanonaki bwa ae e na nakomai bwa e na taekina korabwa. Ma e karaoia. Bon te namakin ae tamaroa. E bon rangin n tatangira.”

“I noria n rin ao I waaki n anenea Whakaria Mai. E aki baireaki. E kairaki n te tamnei ae onoti ae I namakinna inanon te ruu. Ti tebo ma e mena te Uea irarikira, te tai ae kakawaki, ao n onoti.”

Eyring ngkanne e nako ni matakuakiniia ae raka iaon 200 Aika Itiaki ni kamataku n te katei ni bukamaru are e karaoaki n te David O. McKay Titeiki Tienta ae boou.

“Bon te bukamaru ae moan te kakukurei,” e taku Beretitenti Eyring.

“E bon rangin n onoti nakon te tabo aei. E karaoaki n te aro ae moan te tikiraoui. I aki kona ni kakoaua. Iai te tamnei ae korakora iai.”

Ni moaningabongin te Kaonobong, a ikotaki Aika Itiaki n te titeiki Tienta ae boou ao ni kabutaa te aonaaba rinanon te terewition ni kakoaua Beretitenti Eyring ngke e katabua Nen te Tembora.

E tuangiia Aika itiaki bwa te katabu bon “te moan waaki n te bwai ae korakora”.

E taekina rokona i New Zealand 40 te ririki n nako, n anaa tabeua te tai n tiku n tingaia ao n tamwarakea te tabuki ni karokoa ae e titebo rietana ma taubukin te tembora. E tekateka imwiina iaon ana bwai ao ni karana Tamnein te tabo are e mena iai ni kaota tamaroana n te kara ae te ran.

“I aki ataiia ngkana e karekea te bwai ae I namakinna n te bong anne,” e taku. “Iai te namakin bwa I taraa te tabo ae tabu.”

E tawe ni kunea bwa katean te tembora ae boou bon ana mwakuri te Uea.

“E karaoia te Uea. Ao ana reirei Iesu aika anga nanoia ao n ibuobuoki imarenaia ao ni beku ibukina inanon rooro ma rooro.”

Imwain are e katabua te kateitei, e kauringiia aomata ni kabane bwa tera nanona.

“Te katabu bon te tataro ae taa-bangaki n tuanga te Atua, te Tama, bwa aio bon Ana bwai. Ti rangin ni kakaitau ibukin kateitei aikai ao ti na karaoa te bwai ae ko tangiria bwa ti na karaoia ma ngaia. N angiin te tai, ti katabui nanora.”

Imwiin anne e anga te tataro ni katabu. ■

Aia Tai Mitinare

Iroun Meaua Brown

I bungiaki ao I ikawairake iaon te aba ae moan te tikiraoui ae Kiribati.

I ikawai rake n akea Tinau ma iai au utu ae bubura. I kakaitau ngkai I bwa-betitoaki n te Ekaretia ngke 16 au ririki.

I kakabwaiaki ngke I weteaki bwa n na nako ni mitinare n te New Zealand Auckland Mition.

I nakon te mition ma te maaku ae bati n nanououa bwa I kona ni karaoia ke iaki.

I roko man te aba are ko waaningareaki ngkana ko kataia n taetae n Imatang. Ngai, I aki koaua ngkana I kona ni kabongana te taetae.

I uringnga n au moan wiiki ni mwakuri ni karabaai ibukin toau ni kataia n aki taetae nakoia aomata. Ngkanne a nako boong, n rimwiaki ma wiiki ao namwakaina ngke e a bua warekan boong bukina bwa I a rangin n tabeta-be n te mwakuri.

E aki bebete te mwananga ma e uaana n tokin te tai.

Bon ana atatai te Tia Kamaiu are e bita kateiu nakon te mwakuri. Bon rinanon mirion n aomata inanon te kaawa, inanon mweenga, ma toau ao rinanon ara tataro, ao man kamate-bwaiian booki aika tabu ao ni karaoi mwakuri n aki tarai kabwakau are I a kona iai ni kaan riki nako Ina.

Ngke I waaki ni maiuakina maiun te mitinare ni katoabong, I kunea bwa akea te bwai n te aonaaba aei ae tiaki kona ni karaoia.

Norakia aomata ni bitii maiuia ngkai ti buokiai bon te tai ae moan te kakukurei ae I a tia n rinanona inanon maiu.



Meaua Brown e mwakuri n te Auckland, New Zealand mition

N tainako ngkana ko taraiia tabeman, ni kakoaua bwa ana bitaki, ni kakoaua bwa aomata ni kabane iai aia kona ao aia konabwai ni uotia rake.

Imwiin au mitinare, I karekea te taratara ae kaokoro n te maiu ao n taraakia aomata. I kakoaua ngkai bwa a kona ni bitaki aomata ngaia ae ti riai n reitianako ni karoko irouia, ukeukeria, ao n anga te bai n ibuobuoki nakoia tabeman man kaukakin wiira ao n tibwaua te euangkerio. Aomata aika kaain Auckland New Zealand bon au aomata aika a rangin ni mama-te nanou irouia bukina bwa a buokai n tainako ngke I mwakuri ikekei.

Te kabanea ni bubura ni kakabwaiia imwiin okiu nakon mweengau bon te atatai iroun Iesu Kristo ao te atatai ae e na iai nakoraoin ao kabwakan te maiu ao bukina bwa bon kanoan te babaire ni kabane. Ti kamatebwai ao n reitinako n rikirake ngkana ti teirake ao ni kitan ara tabo ake ti mwengaraoui iai, onimakina Kristo ao n aki onimakina oin wanawanara. E nakoraoui au mitinare ao e karikai bwa te aomata ae I a riki iai n te bong aei. Te euangkerio bon te kiing. Iesu Kristo bon ara Tia Kamaiu ao e koaua te Ekaretia. ■

Meaua Brown e mitinare n te Auckland, New Zealand mition man Meei 2013 nakon Nobembwa 2014.

Teimatoa ni mwakuri ao ni karekei otenanti

LDS Mwakuri n te Utu

Te kouru n riki n toronibwai n te tamnei e na teimatoa ni kainna-noa te mwakuri ibukira ni kabane. Te teimatoa ni mwakuri e kona n rangin ni kangaanga, riki ngkana a riki kangaanga, ke kararaoma. Aio e kona ni kairiira ni kabuai ara taratara iaon bwaai aika kakawaki riki nakon bwaai aika aki rangi ni kakawaki.¹

Aikai 4 reirei ao katooto aika a katauaki:

- Teimatoa n tiku iaon te kaantaninga
- Butimwaea ae iai tian am kona
- Teimatoa ni karekea te namakin n tangira
- Teimatoa n Tau n te Tembora

Teimatoa n tiku iaon te kaantaninga

E tibwaua te bwai ae e a tia n rina-nona Beretitenti Uchtdorf bwa e kanga teuana te taura ae bue are e a kakurata te wanikiba ma buan maiuia aomata aika 100. . . .” E ngae ngke te taura are e uruaki e aki karika te kabuanibwai; e riki bukina bwa a katuka aia iango taan mwakuri iaon te bwai ae taraa ni kakawaki riki n te tai anne. Kabanean am iango iaon te bwai ae e aki kakawaki n aki iangoa buburan te kabanemwane ae na riki, e riki tiaki ti nakoia bwairati ma nakoia aomata ni kabane. Ti bane n toka rengerenge.”²

Butimwaea ae iai tian am kona

E kakoauaaki aei man ana konabwai Moomon ni kamanoi aia kabanea n rekooti tenaan Nibwaite n tokin taian buaka. E kabanea ana iango iaon te bwai ae kakawaki riki are katukan reirei n tamnei ibukiia taan wareware nakon taai aika ana roko n ara bong.³



Teimatoa ni karekea te namakin n tangira

E kakawaki aei ibukin kangaanga n taotaonan ao totokoan mwakuri aika a kakawaki. Ti kona n tokanikai n aei man karaoan ikeike ni kamarurung aika karaurau ke ni kakauongo nakon katangitang aika karaunano.

Teimatoa n Tau n te Tembora

Ngkana ti taonaki n te rawawata ti kona ni bukiniira ibukin ara bure are e kona n urua ara iango ibukin arora ni koaua mai ieta. Rorokora n te tembora bon teuana te kawai ni kakorokora ara onimaki ao ni kakorokora arora mairoun te Atua. Beretitenti Hunter e tuangiira “bwa ti na katea ana tembora te Uea

bwa te kanikina ae korokora ibukin kainakin [te] Ekaretia.”⁴

Otenanti aika tabu n te tembora a kakabwaiaira n tiku iaon te bwai ae kakawaki ni maiura n tamnei ao n rabwata⁵. ■

BOOKI AIKA TARAARI

1. Covey, Stephen, R. *The 7 Habits of highly Effective People [7 Kateia Aomata Aika Rangi n Nakoral]*, (1989).
2. Dieter F. Uchtdorf, “Ti Karaoa te Mwakuri ae Moan te Tamarooa ao N Aki Kona ni Bwaka,” *Ensign ke Riaona*, Meei 2009, 59, 60
3. Ana Boki Moomon; Moomon, mwakoro 1–9.
4. Quentin L. Cook, “See Yourself in the Temple,” *Ensign ke Riaona*, Meei 2016, 99; n taekin *Aia Reirei Beretitenti n te Ekaretia: Howard W. Hunter* (2015).
5. Boyd K. Packer, *The Holy Temple [Te Tembora ae Tabu]* (1980), 182.